

समे & 12:25 hrs.

<><><><><><>

PM-MKB

प्रधानमंत्री नरेन्द्र मोदी होरें पच्छिम एशिया दे हालात पर चैंता प्रगट करदे होई आखेआ ऐ जे दुनिया भरै च पेट्रोल ते डीज़ल दा संकट बधा करदा ऐ। अज्ज आकाशवाणी पर मन की बात कार्यक्रम च उ'नें आखेआ जे मजूदा समें चुनौतिएं भरोचा ऐ कीजे भारत दी ऊर्जा ज़रूरतें दे इक बड्डे हिस्से दी पूर्ति पच्छिम एशिया थमां गै होंदी ऐ। उ'नें आखेआ जे आलमी बिरादरी दे कन्नै भारत दे सरबबंधें दे चलदे गै देश मजूदा हालात कन्नै निब्वडने च सक्षम होआ ऐ। श्री मोदी होरें मेद बुज्जी जे कोविड आह्ला लेखा गै भारत मजूदा संकट दे दौरे चा बी बाहर आई जाह्ग। प्रधानमंत्री होरें आखेआ जे विपक्ष गी इस मुद्दे दे राजनीतिकरण थमां बचना चाहिदा। उ'नें आखेआ जे इस मामले च अफ़वाह फैलाने आह्ले लोक देशै गी नुक़सान पुजा करदे ना। उ'नें देशवासियें गी गुजारिश कीती जे ओहू अफ़वाहें दे प्रति सतर्क रौहने ते छड़ी सरकारी सूचनाएं पर गै भरोसा करन। श्री मोदी होरें मन की बात कार्यक्रम दे दरान पिच्छले म्हीने जम्मू-कश्मीर दी टीम आसेआ रणजी ट्राफी दा खिताब जित्तने दी उपलब्धि दा चेचे तौर उप्पर जिक्र कीता। उ'नें आखेआ जे इस ऐतिहासिक जित्त दे कन्नै होर मते युवाएं दी खेड्डें ते खासकरियै क्रिकेट दे प्रति दिलचस्पी होर बधी गई ऐ। उ'नें मेद जताई जे औने आह्ले समें च बी जम्मू-कश्मीर दी टीम दा जित्त दा एहू सिलसिला ईआं गै बरोबर जारी रौह्ग।

प्रधानमंत्री होरें ज्ञान भारतम् सर्वेक्षण दी बी चर्चा कीती जेहडा भारत दी म्हान संस्कृति ते धरोहर गी प्रदर्शित करने लेई जन-भागीदारी दी भावना गी दर्शादा ऐ। उ'नें आखेआ जे इस पैहल दा मकसद देशभरै से थमां पांडुलिपियें दे सरबबंधै च सूचनां जुटाना ऐ। प्रधानमंत्री होरें आखेआ जे राष्ट्र निर्माण च माई भारत संगठन इक महत्वपूर्ण भूमिका निभा करदा ऐ कीजे एहू देशै दे युवाएं गी सकारात्मक कम्में कन्नै जोडा करदा

ऐ। उंनं माई भारत आसेआ हाल च गै आयोजित बजट प्रतियोगिता बारै गी गल्ल कीती जेहदा मकसद युवाएं गी बजट प्रक्रिया ते नीति निर्माण बारै जानकारी देना हा। श्री मोदी होरें आखेआ जे उंनं इस प्रतियोगिता लेई हासल किश इंट्रिं गी पढेआ ऐ जिंदे शा पता लगदा ऐ जे अज्जै दा युवा देशै दे विकास च जोगदान देना चांहदा ऐ। अपने अज्जै दे मन की बात कार्यक्रम च प्रधानमंत्री होरें लोकें गी बरखा दे पानी दी सांभ-संभाल सने सौर उर्जा कन्नै जुडने दी बी गुजारश कीती। उंनं देशवासियें गी आखेआ जे सबनें आसेआ कीती गेदी निक्की कोशशां बी कुसै होर दी जिंदगी च बडे बडे बदलाव आह्नी सकदिआं ना।

<><><><><><>

LG-Award

उपराज्यपाल मनोज सिन्हा होरें जम्मू-कश्मीर दी अर्थ बवस्था गी मजबूत करने आस्तै सारे उद्यमिं ते उपलब्धियां हासल करने आह्लें गी आखेआ ऐ जे ओहू नमिं काहडें ते जज्बे कन्नै कम्म करना। एहू गल्ल उनें कल जम्मू च बिग इम्पैक्ट अवार्ड-2026गी संबोधित करदे होई आक्खी। उपराज्यपाल होरें उद्यमिं दी उन्दे लचीलेपन ते निष्ठा लेई सराहना कीती जेडे चुनौतिं ते विस्तारवारी बजार आह्ले बदलदे रौंऽ कन्नै अगगे बदा'रदे ना। उनें आखेआ जे प्रधानमंत्री नरेंद्र मोदी हुंदी अगुवाई च भारत वैश्विक सतह पर नमिं काहडें आह्ले केंद्र ते बल दे तौर पर विकसित होआ रदा ऐ जेहडा सेई मायने च कारोबारी चुनौतिं गी मौके च तब्दील करदा ऐ। उनें राश्ट्रीय शिक्षा नीति मगरा शिक्षा ते कोविड-19 मगरा दी प्रगति गी उजागर कीता। उपराज्यपाल होरें बिग इम्पैक्ट अवार्ड दे अगले संस्करण च करसान समुदाय गी शामिल करने दा सुझा दित्ता तां जे जम्मू-कश्मीर दी अर्थ बवस्था च उंदी भूमिका गी उजागर कीता जाई सकै।

<><><><><><>

Assembly-Bills

जम्मू-कश्मीर विधानसभा नै कल मुखमंत्री उमर अब्दुल्ला हुंदे आसेआ पेश कीते गेदे त्रै प्रमुख बिलें गी मूंह जवानी वोटें कन्नै पास करी दित्ता जेहडे जम्मू-कश्मीर च आम लोकें दे जीव गी सैहल-सखल्ला बनाने, समाजी न्याय गी यकीनी बनाने ते न्यायिक कुशलता बधाने बक्खी इक महत्वपूर्ण गैंऽ ऐ।

इनें बिलें कन्नै निक्के-मुट्टे कसूरें गी अपराधिक श्रेणिएं शा बाहर रखना, कोइ बमारी सवां प्रभावित लोकें कन्नै फरकोफरकी खत्म करने ते सिविल अदालती बवस्था गी मता निग्गर बनाने च मदद थ्होगा। सबनें 3 बलें गी विचार करने दे बाद मूंज जवानी वोटें कन्नै पास करी दिता गेआ। एह्दे शा पैहले विधायकें आसेआ प्रस्तावित तरमीमें गी मुखमंत्री उमर अब्दुल्ला हुंदे आसेआ भरोसा दोआए जाने दे बाद परताई लैता गेआ।

<><><><><><>

Speaker-NEVA

विधानसभा दे स्पीकर अब्दुल रहीम राथर होरें कल विधानसभा परिसर च उच्च सतह दी एपेक्स कमेटी दी बैठक लाइये राश्ट्री ई-विधान ऐप दी प्रगति दा जायजा लैता। इस बैठक च केई सारे विधायक ते वरिष्ठ अधिकारी शामिल होए। स्पीकर होरें समेंसिर प्रोजैक्ट गी पूरा करने ते विधानसभा देविजन कागज कम्मकाज करने पर जोर पाया। उनें अधिकारिण पर इस गल्ला पर जोर पाया जे ओहू जम्मू ते श्रीनगर विधानसभा परिसर आस्तै हार्डवेयर ते नेटवर्क सरबन्धी उपकरण दी खुशखरीद आहली प्रक्रिया च तेजी आहनन। उनें मैहकमे बश्कार तालमेल पर जोर पाया तां जे विधानसभा दी प्रक्रिया अज्जै कल्लै स्हाबै चली सकै ते इत्थुआं दी विधानसभा गी पूरी चाल्ली डिजिटल होई सकै।

<><><><><><>

Jammu-Marathon

अज्ज बडुलै बरखा दे बावजूद बी जम्मू दी पैहली-पैहली अंतरराश्ट्री मैराथॉन द्रौड च हिस्सा लैने आहलें दे जोश च कोई कमी दिक्खने गी नेई लब्बी ते ज्हारां बदे लोकें एह्दे च शामिल होने लेई पुज्जे। सैलसफा मैहकमे आसेआ आयोजित इस द्रौड दा मकसद नौजवानें च ऐसी जीवनशैली गी बढावा देना ऐ जेह्दे च नशाखोरी लेई कोई थाहर नेई होऐ।

मुख्यमंत्री उमर अब्दुल्ला, जेहडे आपूं बी 21 किलोमीटर लम्मी द्रौड च शामिल होए, होरें जम्मू दे मोलाना आजाद स्टेडियम थमां झंडी दस्सियै रवाना कीता। बॉलीवुड दियां हस्तियां जियां जे मिलिंद सुमन ते गुल पनाग बी नशामुक्त जीवन दा संदेश दिंदे होई मैराथान च शामिल होए। एह द्रौड त्रै श्रेणिएं च कराई जा करदी ऐ। 21 किलोमीटर हॉफ मैराथान, 10 किलोमीटर फिटनेस रन ते 5 किलोमीटर फन रन। जेत्तुएं गी कल 1 करोड़ 33 लक्ख रपे दे नकद ईनाम दित्ते जाने ना।

<><><><><><>